

傳統反對派「大台」欽點的候選人、工黨的你呃人（李卓人）在剛過去的立法會九龍西補選落敗，傳統反對派就四圍「捉鬼」，公民黨前主席余若薇就「怪罪」原「青山絕症（青年新政）」的黃埔區議員鄭葆賢「冇盡力」為你呃人拉票，引起網絡大戰。其實，大家都似乎忽略咗自組「香港本土」嘅毛婆（毛孟靜）：佢係你呃人敗選後，話「無論如何努力，都無法『取回』令『青年新政』游蕙禎當選的超過2萬票」嗰。唔少人寸佢，呢番說話可謂「圖窮匕現」，證明佢之前同Cheap禎「扮friend」，原來終極目標只不過係幫「大台」去「取回」選票。 ■香港文匯報記者 陳川、陳庭佳



毛孟靜話無法取回游蕙禎嘅選票所以傷感嗰。圖為她今年7月同游蕙禎及其男友林肇彥「扮friend」時攝。

Cheap禎係立法會宣誓時搞亂檔，其後更強闖立法會議事廳夾硬要宣誓多一次，毛婆都一直長伴左右，之後Cheap禎因此而坐監到放監，毛婆都好似關懷備至咁。原來，佢同「熱狗」主席蟲泰（鄭松泰）都係一擔擔，都只不過係「扮friend」，係呃咗「白痴」選民。話說毛婆係你呃人敗選後接受傳媒訪問時話，今次補選結果反映似乎點樣努力，「大台」都無法「取回」令Cheap禎當選的超過2萬票，令她傷感，「因此（大台）必須痛定思痛，深思如何做得更好」云云。

網民破「盲腸」：老青冇過橋

唔少網民都好唔妥毛婆咁講。「Navis Spring」直指：「唔係睇在『青政』遺產，毛孟靜會幫『青政』咩！知唔知

咩叫做臨老賣死先黎（嚟）扮孝子啊！」「Vincent Wai Kit Man」亦話：「同鄭松泰一樣：『扮friend』！」「Willy Chan Yiu」就回帶：「光復行動呀巫婆有出嚟割席啦！」「何文駒」就「警告」：「毛姨，你如果再繼續將責任推比（畀）人地（咗），下一個落選既（嘅）人將會係你！」「Randolph Lui」則突破「盲腸」：「根本班老鬼就想利用班廢青做爛頭槓，但班廢青就只想利用你班老鬼扶上位，夾走你班選民，各懷鬼胎！」其實唔少「港獨」分子好唔妥，其他反對派中人都對此有保留。係你呃人選舉期間一直幫你呃人「×票」嘅「人民力量」副主席譚得志就質問：「毛ee說民主派要消弭同『本土派』的隔閡，我問三問題：這是民主派的共同想法？誰是『本土派』代表？如何消弭？」

同道批愚蠢：搶票唔知票源

佢仲寸嘴話：「毛ee叫民主派同『本土派』消除隔閡，但『本土派』等如『焦土派』，想民主派死曬（晒）……咁民主派仲同班『焦土派』消除隔閡嚟做乜？」社民連「金鷹」曾浚瑛亦喺facebook打咗篇文，話反對派呢個結論係愚不可及，因為根本唔知「本土派」啲票點嚟，好似「狗主」黃毓民本身已經做咗兩屆議員，有啲票源反對派根本接觸唔到，況且反對派根本無諗住同狗主講數。至於「青症系」嘅Cheap禎（游蕙禎）同鄭葆賢，佢就話就隨時連佢哋本身都唔知道自己啲票係點得嚟，「『本土』究竟是什麼？其實不外是添加些民粹味精，再換上哈台文青用字的『民生議題』而已。」

「人力」隨風擺 借「人」踩大台

所謂「一沉百踩」，傳統反對派「大台」出盡吃奶之力硬銷你呃人（李卓人）失敗，嗰啲一直靠狙擊「大台」攞票、喺選舉期間已經陰陽怪氣嘅所謂「進步民主派」當然加多兩錢肉緊去踩多「大台」一腳啦。「人民力量」前立法會議員陳偉業，就針對公民黨前主席余若薇暗示黃埔區議員鄭葆賢冇盡力為你呃人拉票呢單嘢「越洋回應」：「都話班政治貴族，只懂等黃袍加身！……因為過去依靠慣肥佬黎（壹傳媒集團創辦人黎智英）幫佢吹雞！」

喺補選期間，「人力」副主席快必譚得志，已經一邊幫你呃人助選，一邊發埋啲陰陽怪氣嘅posts，話自己係「含淚」支持你呃人嘅，仲批評傳統反對派「大台」嘅立法會議員成日缺席會議，「害死人哥！」佢仲借所謂「有人」之口，點過幾個人嘅名，包括公民黨議員陳淑莊及郭榮鏗個名，話佢哋喺立法會表決施政報告致謝動議時冇投票等等。

「快必」撈「人」又鬧訟黨

點解陰陽怪氣，臭味係一旦你呃人贏咗就可以領功，輸咗都可以有嘢講嘛！你呃人輸咗之後，「人力」班友就即刻「乘時而起」，捉「大台」痛腳。好似余若薇接受傳媒訪問時話，如果鄭葆

賢「願意落力」支持你呃人，「結果就會唔同」，「人力」成班友即刻如獲至寶，喺fb狂鬧。

「人力」前主席袁彌明就出甫（post），揶揄余若薇嘅講法令人「歎為觀止」：「咁大個黨，要新晉年青（輕）區議員頂咁大隻鑊。」已經退咗休嘅陳偉業就留言：「你（『大台』）冇無搵過人（鄭葆賢）？……都話班政治貴族，只懂等黃袍加身！」

陳偉業：慣咗黎吹雞

陳偉業話：「如果你知人重要，你有冇搵人？如果你有搵人，係你失職！如果你事前唔知佢重要，亦都係你失職。即係證明，你有做好選舉工程！呢個就係選舉工程要做好嘅理由，知冇？」

袁彌明回應：「（『大台』）要『唯我獨尊』搵人？你唔自動獻身幫我哋就係鬼——呢個係佢地（咗）邏輯，唔使搵人。」「Tam Eric」就話：「佢哋到呢一刻都仲未知輸輸邊，余若薇我對你好失望！」陳偉業即刻抽多句：「因為過去依靠慣肥佬黎幫佢吹雞！」

唔單止抽「大台」，「人力」仲打埋同樣着眼爭取激進票嘅社民連。快必喺評論「長毛」之前係你呃人敗選記者會上發嗰氣話唔想道歉，俾人

鬧係都要趕「港獨」分子時，同樣陰陽怪氣咁講：「我從來覺得有兩個長毛，一個係關梁天琦是食人血馒頭的長毛，另一個是同梁天琦攪頭攪頸，食飯舉杯派恩仇的長毛，敝黨主席也同怡暢敘，因此，『進步民主派』跟『本土』派應較為接近。」

「黃增健」留言話：「『泛民』根本不想拉攏『本土派』。『泛民』認為自己係『大佬』，如果要合作，『本土派』要聽佢哋講。『本土派』會否聽佢哋講！？加上長毛近兩日的言論，令『本土派』極之憤怒。點合作！？」

票源近長毛亦中槍

快必就回應：「長毛唔會亂×人嘅……佢認為『泛民』同『本土』friend，社民連就會有位，被淘汰？係咪咁？佢之前同梁天琦friend，就可以只有社記同『本土派』friend，咁社記就食『泛民』又食『本土』，我暫時諗到係咁。」

快必水繼續抽：「我認為當日（你呃人敗選後的記者會）道歉的人，是不知道自己道什麼歉的，只不過是『啊！敗選，這個歉吧！』下周開會就故態復萌啦，唔好當人傻啦。所以，長毛當日唔應該去。……（『人力』立法會議員）陳志全就正確了。」 ■香港文匯報記者 陳川

廢陶拒跪低「杜」歉「戲子」縮沙得把口

今日之星 社民連個廢陶（陶君行）喺網台辣着親「本土派」藝人杜汶澤壇嘢，到喺家都仲未收科。鬼咩，一個死唔肯跪低，一個死咬住唔放。繼「佔中十死士」之一嘅徐少驊明哲保身率先割席後，當日另一個主持、以「時評人」自居嘅劉細良亦都公開同杜汶澤道歉，但主角廢陶個頭就點撇都撇唔低，仲嘻皮笑臉問自己要道咩歉。杜汶澤就叫佢「精精地你就快×啲跪低」。有人就揶揄杜汶澤之前仲話要打死人，現在就只係要人跪低，係咪說明呢種人講就兇呢？

劉細良喺前晚嘅網台節目度承認，廢陶猜測杜汶澤老婆田蕊妮點解內地有大把工作，就真係講大咗，係人聽到都會笑，正式同杜汶澤道歉。但係，話人係「鬼」又話人收錢做嘢、戲子無情嗰個係廢陶嚟㗎，點解係劉細良出嚟道歉？劉細良就話個網台係佢嘅，當晚個節目都係佢嘅，又話佢哋無必要咁樣谷收視，希望以後謹慎啲，少啲「捉鬼」同猜測人嘅動機嘅言論。劉細良道歉之餘，擺明就叫始終都係客嘅廢陶醒定啲啦，不過廢陶面皮夠厚呀，當時返去「花生台」自己個主場場繼續噏風噏雨，個節目大大條題寫住「誠懇回應杜汶澤事件」，不過全程嘻皮笑臉，話自己好想道歉，不過唔知道道咩歉、道邊忍，「我邊忍過火位？」

嘻皮笑臉踩多腳

廢陶相信自己句「戲子無情」辣得杜汶澤最甘，但又寸對方回應嗰陣並無指出佢錯嚟邊，之後更加賴落劉細良度，話係劉細良響杜汶澤個朵先，自己只係「提出疑問」㗎。佢之後回覆傳媒查詢佢會唔會道歉時，就大爆三字經：「無意見。」

廢陶又要勞煩自己娘親嘞。杜汶澤當晚曝晒粗咁鬧佢：「你老母臭×！屈×完我係鬼，搏衰埋我老婆，再話我戲子無情，你話無意見？你條×頭！佢要宣稱自己『好想道歉但唔知道咩歉』？你個兄弟劉細良都道歉啦！你係咪男人㗎？吓？你係××割！係都要攤×長嚟玩吓嘛，精精地你就快×啲跪低！你繼續攞吓你！我就睇你企得幾×耐。」

杜汶澤開價減刑打變跪

去到第朝，杜汶澤冷靜返落嚟，出po（帖文）話自己後生做電台嗰陣講錯野畀人告，死唔肯認低威，過咗幾年覺得自己欠對方一個公道，於是主動道歉，對方亦都好大方咁原諒咗佢，「到今日，大家關係依然良好，我仲好敬重佢。呢件事令我學識吃好多嘢，所以今日我接受咗劉細良嘅道歉。」

話鋒一轉，佢又繼續片廢陶嘅：「但係如果唔



皮笑臉咁回應，又以言論自由做萬用刀，更聲稱自己好想道歉不過唔知道咩歉，咁同踩多我個頭一腳，根本無分別。廢土（陶）我同你無仇無怨，你無端白事前後後踩我兩腳，乜我個樣真係生得咁似紅地氈咩？似可以畀（俾）你意氣風發係咁踩？」講就兇狠，做就毓民。fb專頁「花生覺醒」就發帖寸杜汶澤：「杜汶澤唔係話係佢面前跪低都無用，要用三拳打死陶君行？現在改口叫人跪，係唔係教徒學教主（黃毓民）『轉咗啦』，『我我我驚坐監』？」花生呢，相信大家都仲有排食囉！ ■香港文匯報記者 陳庭佳

老馮寸盡反對派「關鍵」吹牛失民心

香港文匯報訊（記者 何西）在立法會九龍西補選落敗的馮檢基，至今仍與主流反對派有齟齬，昨日更在電台節目上與支持對手李卓人的民主黨主席胡志偉針鋒相對。馮檢基揶揄主流反對派是在是次補選仍然大打「關鍵一席」，惟在立法會表決多個議題或撥款上缺席投票，以致失去了選民信任。胡志偉就避談尷尬戰果，僅稱勝負因素並非「最值得探討」的事。

即使加上李卓人及馮檢基的得票，也不及當選的陳凱欣。面對如此難堪的戰果，胡志偉在節目中聲稱，勝負因素「已經不是最值得探討的事」，因補選已經完結，現在的核心是要讓選民聚焦於是次選舉的意義，但同時承認選民不願意投票反映反對派有不足，需要繼續改善。

馮檢基直指，「非建制派」在九龍西的得票率由過去最高的68%，已不斷下跌至是次補選的不足一半，反映「非建制派」的

含意太籠統和「太濶」，因為「非建制派」當中有人根本不視自己為「泛民」，因此不能將他們的選票視為同一類。

他又揶揄，「非建制派」經常以「關鍵一席」游說選民要「顧全大局」，卻有議員在立法會表決多個議題或撥款上缺席投票，包括「一地兩檢」。

踢爆借二十三條呢選民

馮檢基更踢爆，所謂「非建制派」以「頂住廿三條」拉票，但實際上基本法第二十三條立法只需全體議員過半數贊成就可通過，即使在分組點票有「關鍵一席」也是無法「阻擋」。由於屢次欺騙選民，以致選民都不再相信他們。

出席同一節目的工聯會立法會議員黃國健笑言，自己事前並未料到是次當選的陳凱欣會贏那麼多，而建制派在街站為陳凱欣助選時較「肉緊」，相反，反對派的助選團情緒並不高漲，相信這對選民來說會造成心理影響。

黃國健籲反對派勿抗拒中央

特寫 在昨日的電台節目中，工聯會立法會議員黃國健指出，相信中央近年亦希望與反對派的關係拉近，唯反對派有「心魔」，怕與中央接觸後遭人圍攻，他呼籲在同一節目出現的民主黨主席胡志偉：「中央伸隻手出來，你要去握。」

胡志偉在節目中聲稱，中央自發表白皮書後，積極推動其對香港的全面管治權，又稱中央不能不尊重「兩制」，不能「一開口就說有人受外國勢力干預」，並要信任香港人。

黃國健認為，中央都希望香港社會不要再如此撕裂，並希望與香港反對派有更多的溝通與接觸，惟反對派有「心魔」，怕與中央接觸後遭人圍



黃國健籲反對派放下成見，多與中央接觸。 黃國健認為，中央都希望香港社會不要再如此撕裂，並希望與香港反對派有更多的溝通與接觸，惟反對派有「心魔」，怕與中央接觸後遭人圍

■香港文匯報記者 何西